

四庫全書

史部

欽定四庫全書

史部

明集禮卷二十五

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣孫球

謄錄監生_臣吳壽朋

欽定四庫全書

明集禮卷二十五

嘉禮九

天子納后

總序

天子納后所以母儀乎天下也三代以上不著其禮至周而六禮之儀始備一曰納采二曰問名三曰納吉四曰納徵五曰請期六曰親迎五禮皆用鴈唯納徵用元

纁束帛加以穀珪至周靈王求昏於齊遣使稱制拜后
魯桓公八年祭公來遂逆王后于紀左氏謂王者至尊
無敵無親迎之禮故遣魯主昏而使祭公來迎漢納皇
后遣使納采以太牢告宗廟遣太司徒奉乘輿法駕迎
皇后于第皇后立三月以禮見高廟晉納皇后六禮制
文周版升平六年復命王彪之考定六禮北齊皇帝納
后納采問名告于圓丘方澤宗廟遣太尉奉冊寶璽綬
迎皇后于第至宮之明日皇后表謝又明日見皇太后

於昭陽殿又擇日謁見太廟唐皇帝納后卜日告天地
宗廟遣太尉為使宗正卿為副持節行六禮皇后至宮
之明日奉表稱謝又明日朝皇太后擇日廟見及有受
內外命婦賀及羣臣稱賀之禮又有百寮上禮及皇帝
會羣臣之儀宋皇帝納后之禮皆與唐同而無受命婦
賀及羣臣朝賀之禮亦無百寮上禮及皇帝會羣臣之
儀元納后從其國俗而儀文不著今擬國朝皇帝納后
先期遣官祭告天地宗廟皇帝臨軒命使行六禮皇后

至宮之明日上表稱謝復受內外命婦朝賀擇日謁見太廟今集歷代禮物儀文以著於篇

冠服

周禮天子納后冕而親迎后服首飾褱衣兩漢納后不著所服晉迎皇后皇帝服袞冕北齊皇帝服繡衣帶綬佩隋納后天子具袞冕服皇后首飾褱衣唐皇帝納后其臨軒遣使皆服袞冕合巹服通天冠絳紗袍皇后服首飾褱衣表謝皇后服展衣廟見還改服鈿釵禮衣宋

納后臨軒遣使合卺皆服通天冠絳紗袍皇后服花釵
十二樹九龍四鳳冠褱衣元納后用國俗衣冠今擬國
朝皇帝納皇后其臨軒遣使皆服袞冕同牢服通天冠
絳紗袍皇后首飾以九龍四鳳冠大小花各十二樹并
兩博鬢寶鈿十二服用褱衣皇后表謝服展衣其受命
婦朝賀朝皇太后皆首飾褱衣其制見冠服篇其皇后
車輅冊寶制度並見冊皇后篇此不復載

制

凡天子納后六禮必用制皆以版書其制唐版長尺二寸以應十二月博四寸以像四時厚八分以像八節皆真書盛以匣宋制文版製同今擬國朝皇帝納后六禮用制書

制文

唐納采制皇帝曰咨具官封姓渾元資始肇經人倫爰及夫婦以奉天地宗廟社稷謀于公卿咸以為宜率由舊典今使持節太尉封某宗正卿封某以禮納采答文

曰皇帝嘉命訪昏陋族備數采擇臣之女未聞教訓衣履若如人欽承舊章肅奉典制某官封臣姓名稽首頓首再拜承制詔問名制皇帝曰咨某官封姓兩儀配合承天統物正位于內必俟令族重章舊典今使使持節太尉封某宗正卿某以禮問名答文曰皇帝嘉命使者某重宣中制問臣名族臣女夫婦所生先臣故某官之遺元孫先臣故某官之遺曾孫先臣故某官之遺孫先臣故某官之外孫女年若干欽承舊章謹奉典制臣某

稽首頓首再拜承制詔納吉制皇帝曰咨某官姓人謀
龜從僉曰貞吉敬順典禮今使使持節太尉封某宗正
卿某以禮納吉答文曰皇帝嘉命使者某重宣中制太
卜元龜臣陋族卑鄙憂懼不堪欽承舊章肅奉典制某
官臣姓某稽首頓首再拜承制詔納徵制皇帝曰咨某
官姓之女有母儀之德窈窕之姿如山如河宜奉宗廟
永承天祚以元纁珪馬以章典禮今使使持節太尉封
某宗正卿封某以禮納徵答文曰皇帝嘉命使者某重

宣中制降昏卑陋崇以上公寵以豐禮備物典冊欽承
舊章肅奉典制某官臣姓名稽首頓首再拜承制詔告
期制皇帝曰咨某官姓某謀于公卿大筮元龜罔有不
臧率遵典禮今使使持節太尉封某宗正卿封某以禮
告期答文曰皇帝嘉命使者某重宣中制告曰惟某月
某日可迎臣欽承舊章肅奉典制某官臣姓某稽首頓
首再拜承制詔奉迎制皇帝曰咨某官姓某歲吉月令吉
日惟某率由典禮今遣使持節太尉封某宗正卿封某

以禮迎答文曰皇帝嘉命使者某重宣中詔令月吉辰
備禮以迎螻蟻之族猥承大禮憂懼戰悸欽承舊章肅
奉典制某官臣姓某稽首頓首再拜承制詔某制納某
制文皇帝曰咨某官姓名肇經天人爰始夫婦正位基
化敦敘大倫敷求賢明是惟令族率由盛典式舉徽章
今遣使持節上公封某宗正卿某以禮采擇答文曰皇
帝嘉命舉大昏之禮下逮微陋備數采擇臣之女方祇
保傳式嚴諄誨恭承令典肅荷徽章某官臣姓名稽首

頓首再拜承制詔問名制文皇帝曰咨某官姓名自昔受命之君必擇建厥配以奉天地以承宗廟以御于家邦德至茂也肆朕稽古永惟大猷謀于公卿咸以祗若率由舊典式舉徽章今遣使持節上公封某宗正卿封某以禮問名咨文皇帝嘉命使者某重宣中制問臣名族臣先臣某官之遺元孫先臣某官之遺曾孫臣某官姓某之遺孫女年若干恭承令典肅荷徽章某官姓名稽首頓首再拜承制詔告吉制文皇帝曰咨某官姓名

稽謀所自燕及神民濬發祥占從以元吉六合之慶是
為大同今遣使持節上公封某宗正卿封某以禮告吉
咨文皇帝嘉命使者某重宣中制太卜元吉微陋之族
懼不克堪恭承徽章肅奉典制某官臣姓名稽首頓首
再拜承制詔告成制文皇帝曰咨某官姓名之女毓秀
中閨膺華高胄詠葛覃之童尊嚴師傅崇卷耳之志夙
念恭勤將延登於太微永迓承於介福以元纁縠珪式
彰典禮今遣使持節上公封某宗正卿封某以禮告成

答文皇帝嘉命使者某重宣中制降昏卑陋宗以上公
寵以盛禮備物典冊恭成天獎肅荷徽章某官臣姓名
稽首頓首再拜承制詔告期制文皇帝曰咨某官姓名
令月吉日備序來嬪爰定厥祥率遵典禮今遣使持節
上公封某宗正卿封某以禮告期答文皇帝嘉命使者
某重宣中制告曰某月某日可迎臣恭承令典肅荷徽
章某官臣姓名稽首頓首再拜承制詔親迎制文皇帝
曰咨某官嘉月惠時吉日惟某率由典禮今遣使持節

上公封某宗正卿封某備禮以迎答文皇帝嘉命使者
某重宣中詔吉日惟某備禮以迎臣卑陋之族叨塵大
恩以榮為懼臣恭承令典肅荷徽章某官臣姓名稽首
頓首再拜承制詔

禮物

伏犧氏始嫁娶以儷皮為禮周制天子聘女納徵加穀
珪漢惠帝納后納采鴈璧乘馬束帛聘黃金二萬斤馬
十二匹平帝納后有司奏故事黃金二萬斤錢一萬萬

晉納后用元纁束帛加穀珪馬二駟羊鴈酒米如故穆
帝納后王彪之定六禮納采用鴈一頭白羊一口酒十
二斛米十二斛問名納吉用鴈羊如前納徵用白羊一
口元纁帛二匹絳二匹絹二百匹獸皮二枚錢二百萬
玉璧一枚酒十二斛白米十二斛馬六匹請期奉迎用
鴈酒米如前唐納采問名納吉請期奉迎皆用鴈惟納
徵用元纁米帛六馬穀珪其他禮物如常儀宋禮物與
唐同今擬國朝納采問名納吉請期奉迎皆用鴈納徵

用元纁束帛六馬穀珪其他禮物則隨常儀

樂

漢冊皇后黃門鼓吹三通唐臨軒遣使大樂令展宮懸鼓吹令設十二案迎皇后則備鼓吹備而不作宋冊后行六禮皆大晟府展宮懸之樂於殿庭橫街之南其迎皇后亦備鼓吹皆備而不作今擬國朝皇帝納后六禮遣使皆和聲郎陳樂於丹墀設而不作奉迎皇后則備大樂鼓吹亦備而不作皇后車輅將至午門則大鳴鐘

鼓

節

漢靈帝納后命太尉驤持節行六禮晉成帝臨軒遣使持節迎后北齊納后凡納采問名納吉納徵請期奉迎皆臨軒命太尉為使宗正卿為副持節行六禮唐制天子納后六禮皆以上公持節宗正卿為副使

祭告

漢平帝將納后以太牢告宗廟北齊納后納徵訖告圓

丘方澤及宗廟唐制將納吉卜日告圓丘方澤及宗廟如加元服之儀宋制納后将納采先期命太史局擇日奏告天地社稷及諸陵寢宮觀今擬國朝納后遣官祭告天地宗廟其儀具見於祀天祀地宗廟等篇

納采

納采者謂始以言語采擇可否也兩漢天子納后皆先遣使持節納采漢惠帝納魯元公主女為后遣使執雁納采平帝納后遣宗正劉宏尚書令平晏納采唐制天

子納后則於太極殿遣使賫制書執鴈詣皇后第納采
既至奠鴈於庭主昏者再拜聽宣制書畢又再拜以答
表授使者使者受表還復命宋制天子納后則於文德
殿遣使持節奉制書執鴈詣皇后第納采既至陳鴈於
庭主昏者迎使者入再拜聽宣制畢使者以制書授主
昏者主昏者受制書訖奉答表以授使者使者受命還
復命元納后依其舊俗而六禮儀文無所考見今擬國
朝皇帝納后先於奉天殿遣使持節奉制書執鴈詣皇

后第納采既至主昏者再拜迎使者入又再拜使者宣制以制書授主昏者主昏者受制畢以答表進授使者再拜又再拜以出

問名

問名者謂問后名目將卜之也晉穆帝納后遣衛尉卿兼太常王彪之為使兼宗正卿散騎侍郎司馬綜為副使持節往問名唐制使者納采訖出立於大門之內曰將加卜筮奉制問名主昏者答曰臣某之子若如人既

蒙制訪臣不敢辭使者陳鴈宣制以制書授主昏者主
昏者再拜受制訖以答表進授使者使者將出主昏者
復揖使者入行宴禮以馬幣禮使者宋遣使問名如唐
儀而禮使者以幣無馬今擬國朝納后使者納采畢出
立於中門之外取問名制書執鴈復入使者宣制以制
書授主昏者訖復以鴈授主昏者主昏者受制書及鴈
訖復以答表進授使者其宴禮使者之儀具見儀注

納吉

納吉者謂卜已得吉往告之也唐制使者至后氏第曰
加諸卜筮占曰從制命某納吉主昏者曰臣某之女若
如人龜筮云吉某謹奉典制其陳鴈宣制授制書與主
昏者進答表之儀皆與問名同宋遣使者至皇后第曰
加諸卜筮占曰從制使某告吉主昏者曰臣某之女初
嚴女功未燭婦道卜筮云吉臣預有焉臣某謹奉典制
使者入陳鴈宣制其儀與唐同今擬國朝納后既卜吉
遣使納吉其詳見納吉儀注

納徵

納徵者用束帛告成謂昏姻之禮成也唐天子納后遣使者奉珪玉幣馬制書至皇后第請曰奉制納徵主昏者曰奉制賜臣以重禮某祇承典制受元纁束帛穀珪乘馬北面再拜其儀與納吉同宋制告成遣使奉穀珪元纁束帛制書至皇后第其儀皆與唐同今擬國朝納后遣使奉珪玉幣馬納徵其詳見納徵儀注

請期

請期者謂請日也昏禮納后六禮五曰請期唐制既納
徵遣使者詣皇后第請曰詢于龜筮某月日吉制使某
告期主者曰既前受命惟命是聽使者陳鴈授制書一
如納吉之儀宋納后請期其儀如唐今擬國朝納后遣
使持節奉制請期詳見儀注

奉迎

古者昏禮六曰親迎夏迎於庭殷迎於堂周迎於戶魯
桓公八年祭公來遂逆后於紀此天子遣使逆后之制

也漢晉以來皆遣使持節奉迎穆帝納何氏為皇后遣使持節往迎北齊皇帝納后臨軒遣使持節詣皇后第行冊拜禮皇后受冊於行殿唐皇帝臨太極殿遣使持節齎冊寶車輅儀仗及褱衣首飾至后第行冊禮皇后望闕再拜受冊畢復遣奉迎使執鴈及制書奉迎宋遣冊奉迎一如唐儀今擬國朝皇帝納后則於奉天殿遣使持節奉冊寶車輅儀仗褱衣首飾等物至皇后第以授內使內使奉冊寶至皇后閣外皇后望闕再拜受冊

寶訖復遣奉迎使執鴈及制書奉迎詳見臨軒遣使冊
命奉迎儀注

同牢

古者昏禮同牢而食合巹而醕所以合體同尊卑也北
齊設皇帝皇后同牢坐於昭陽殿各三飯訖及各醕二
爵一巹唐設皇帝皇后御席於所御殿皇帝在西皇后
在東皇后至內殿門外西向立皇帝揖后由西階升盥
洗訖就席相向坐尚食以韭菹羶醢進授皇帝皇后皇

帝皇后祭於豆間尚食以黍實及肺進授皇帝皇后皇帝皇后復祭訖各酌二爵一盃飲畢尚容奏請皇帝釋寬服又奏請皇后服常服皇后從者餽皇帝之饌皇帝從者餽皇后之饌宋皇帝納后同牢之禮與唐同唯不祭肺及不祭韭菹黍稷等物今擬國朝皇帝納后於宮中內殿設御幄中設皇帝皇后御榻行同牢之禮其詳見同牢儀注

表謝

唐制皇后至宮之明日服展衣奉表稱謝司言導從皇后升正殿北面再拜尚儀以謝表授皇后皇后受表置於案又再拜訖尚儀以表授內侍內侍因中書以聞宋皇后至宮之明日奉表稱謝一如唐儀今擬國朝皇后既至宮其明日奉表稱謝詳見儀注

謁廟

唐制皇后至宮擇日謁廟前一日皇后清齋於別殿設皇后大次於太廟北門內設宮懸之樂於廟庭制以太

尉及御史以祝奉告曰皇后將伸祇見謹以一元大武
敬薦其日皇后首飾褱衣乘輿以出警蹕侍御如常儀
尚宮率內外命婦及公主縣主後從皇后至廟庭尚宮
奏請皇后再拜又再拜訖尚宮引皇后出還大次皇后
改服鈿釵禮衣乘輿以還宋皇后既至宮擇日謁景靈
宮前一日設皇后次於明福殿至日內侍導從皇后服
褱衣首飾乘重翟車至廟所內外命婦後從至廟階下
西向立內侍贊再拜皇后及內外命婦皆再拜內侍奏

請皇后詣聖祖香案前三上香訖降階又再拜出今擬國朝皇后至宮擇日謁廟其儀見宗廟篇

受命婦朝

唐制皇后至宮有受內外命婦朝賀之禮其儀與正冬朝會同惟改賀辭曰伏惟殿下坤儀配天德昭厚載率土含識不勝抃舞謹上千萬歲壽今擬國朝皇后至宮之明日受內外命婦朝賀詳見朝會篇

遣使儀注

前期禮部移文太史院擇某日奏告天地宗廟某日遣使納采問名太史院擇日以報禮部禮部奏聞翰林院承制撰納采問名制文禮部依式樣製制書版書制文訖命所司備鴈并其他禮物以伺又承制命某官為使者某官為副使告示文武百官於皇城守宿至日鳴鐘後具朝服侍班前一日內使監設御座香案於奉天殿正中尚寶卿設寶案於御座之南侍儀司設制書案於寶案之南設鴈及禮物位于丹陛上設主節官位於制

書案之東西向執節者位於主節官之南稍後捧制官二人位於制書案之西東向舉案者位於捧制官之後設承制官位於殿上及丹陛之東南設使者及副使拜位於丹墀內道稍西東上北向又設副使受制書位於拜位之北使者在東副使在西俱北向設執鴈者及舉禮物者位於丹陛下之西東向贊禮二人位於丹陛上之南東西相向司贊二人位於使者拜位之北東西相向知班二人位於司贊之南東西相向設文武百官侍

立位於文武樓之北東西相向文武侍從班位於殿上
之左右引文武班舍人四人位於文武官之北稍後東
西相向引使者二人位於使者之北西立東向拱衛司
光祿寺官對立位於奉天殿門之左右東西相向將軍
二人位於殿上簾前東西相向將軍六人位於奉天門
之左右東西相向又將軍四人位於丹陛上之四隅東
西相向又將軍六人位於奉天殿門之左右東西相向
鳴鞭四人於丹陛上北向是日金吾衛陳設甲士儀仗

于午門外之西拱衛司陳設儀仗於丹陛丹墀之東西
設遮蓋制書黃蓋於奉天殿前和聲郎設樂位於丹墀
之南備而不作侍儀司設綵輿儀仗於奉天門外正中質明

擊鼓初嚴催班舍人催百官具朝服導駕官侍從官入
迎車駕次嚴引班舍人引文武百官入就侍立位引禮
引使者具朝服立於丹墀之西以伺諸執事者各就位
三嚴侍儀奏外辦御用監跪奏請皇帝服袞冕出謹身
殿尚寶卿奉寶前導侍從導引如常儀至奉天殿陞御

座尚寶以寶置於案捲簾鳴鞭雞唱報時訖禮部官捧制書置於案上執事者陳鴈及禮物於丹陛上主節官執節者入就殿上位西向立承制官立於主節官之北奉制官立於制書案之西舉案者立於其後引禮引使者就丹墀拜位贊禮唱鞠躬拜興拜興拜興平身使者鞠躬拜興拜興拜興平身引禮引使者及副使稍前至受制位北向立定承制官進詣御座前跪承制訖由中門出至丹陛上宣制位奉制官率執事舉制

案由中門出拱衛司擎黃蓋遮護自中陞降以案置受制位主節官率執節者執節前導至使者前主節官西向立執節者立於主節官之南奉制官立於制書案之東舉案者立於奉制官之後西向承制官稱有制典儀唱跪使者跪承制官宣制曰皇帝納某女為皇后制使卿等持節行納采禮宣制訖執節者脫節衣以節授主節官主節官受節西向授使者使者播笏跪受以授執節者執節者跪受節興立於使者之左主節官退奉制

官就案取納采制書西向授使者受制書興復置於案
出笏退復位奉制官復詣案取問名制書西向授副使
副使搢笏跪受制書興復置於案出笏退復位奉制官
退引禮引使副退就拜位立定贊禮唱鞠躬拜興拜興
拜興拜興平身使者鞠躬拜興拜興拜興拜興平身引
禮引使副從制書案出執節者前導舉案者次之執鴈
及禮物者由西陞陞取鴈及禮物由中陞降以次行制
書案之後出奉天門外執節者加節衣使者取制書安

置於綵輿中使者步從出午門外儀仗在前鼓吹次之
不執節者次之禮物次之執鴈者次之綵輿次之使副
從行於綵輿之後初制書出奉天門侍儀跪奏禮畢皇
帝興還宮引班引百官以次出

納采儀注

前一日侍儀司設使副次於皇后第大門之外南向設
使副序立位於皇后第大門外之東西向北上設主昏者
序立位於大門之西東向又設使副立位於正廳之東西

向北上執節者位於使副之南南向執鴈者位於執節者之南西向設主昏者拜位於階下中道北向又設主昏者受制位於廳上正中北向設贊禮二人位於主昏者拜位之北東西相向設儼者二人位於贊禮之南東西相向引使者二人位於廳上之左右東西相向其日使者乘馬持節備儀仗鼓吹備而不作奉制書禮物至皇后第儀仗鼓吹分列於大門之左右置綵輿於大門外之正中設制書案於綵輿之北使副下馬掌次者延入次

執事者皆公服儼者引主昏者朝服序立于大門內之
西東向引禮引使副出次使者就綵輿取納采制書置
於案引禮引使副立於大門外之東西向持節者立於
使副之南稍後執鴈者又於其南俱西向其他禮物各
陳於大門外之兩旁儼者進於主昏者之左受命出詣
使者前請曰敢請事使者曰某奉制采擇儼者入告主
昏者曰臣某之女未知壺儀方飭姆訓既蒙詔訪臣某
不敢辭儼者出告訖入引主昏者出迎使者於大門之

外北面立贊禮唱鞠躬拜興拜興平身主昏者鞠躬拜興拜興平身使者不答拜儼者引主昏者先入立於西階之下引禮引使者入執節者前導禮物次之持案及執鴈者從入執節者脫節衣執節立于正廳之東南禮物陳於庭舉案者舉制案設於正廳之中使副立於制案之東執鴈者立於使副之南稍後俱西向引禮引主昏者就階下拜位北向立定贊禮唱鞠躬拜興拜興平身主昏者鞠躬拜興拜興平身儼者引主昏者自西階

陞至制案前壯向立使者稱有制引禮唱跪使者詣案
取制書宣制訖以制書授主昏者主昏者跪搢笏受制
書以授左右執鴈者以鴈授使者使者受鴈以授主昏
者主昏者受鴈以授左右引禮唱出笏俛伏興平身主
昏者出笏俛伏興平身儗者引執事對舉答表案進立
於主昏者之後少西儗者取表以授主昏者主昏者搢
笏受表跪授使者使者受表置於案訖引禮唱出笏俛
伏興平身主昏者出笏俛伏興平身引禮引主昏者降

階至拜位立定贊禮唱鞠躬拜興拜興平身主昏者鞠躬拜興拜興平身引禮引主昏者退立於西持節者加節衣引禮引使副降自東階舉案者對舉表案降自中階執節者前導至中門外使者取表置綵輿中主昏者帥諸執事各徹禮物

制文

或臨時撰或用古制答文同

答文

凡答表女之祖在則曰某官某之孫女若姑姊妹則曰先臣某官某之遺女後並同

問名儀注

使者既出立於中門之外引禮引主昏者立於中門內
東向引禮引使者出次使者就綵輿中取問名制書置
於案引禮引使副立於中門外之東西面北上舉案者
對舉制案置於中門之正中持節者立使副之南執鴈
者又於其南儼者於主昏者之左受命出詣使者前請
曰敢請事使者曰將加卜筮奉制問名儼者入告主昏
者曰臣某之女被預詢擇聞命祇懼既蒙制問臣不敢
辭儼者出告訖入引主昏者出迎使者立于中門外之

南北面贊禮唱鞠躬拜興拜興平身主昏者鞠躬拜興
拜興平身儼者引主昏者先入立於西階之下東面引
禮引使者入持節者前導禮物次之制案及執鴈者從
入執節者脫節衣執節立于正廳之東南執事者以禮
物陳於庭舉案者對舉制案設於正廳之中使副立於
制案之東執鴈者立於使副之南稍後俱西向儼者引
主昏者就階下拜位北向立定贊禮唱鞠躬拜興拜興
平身主昏者鞠躬拜興拜興平身儼者引主昏者自西

階陞至制案前北向立使者稱有制引禮唱跪主昏者
跪副使詣制案前取制書宣制訖以制書授主昏者主
昏者搢笏跪受制書以授左右執鴈者以鴈授副使副
使受鴈以授主昏者主昏者跪受鴈以授左右引禮唱
出笏俛伏興平身主昏者出笏俛伏興平身儉者引執
事對舉答表案進立於主昏者之後少西儉者取表以
授主昏者主昏者搢笏受表跪授副使副使受表置於
案引禮唱出笏俛伏興平身主昏者出笏俛伏興平身

儼者引主昏者降階就拜位立定贊禮唱鞠躬拜興拜
興平身主昏者鞠躬拜興拜興平身儼者引主昏者退
立於西持節者加節衣引禮引使副降自東階舉案者
對舉表案降自中階執節者前導至中門外使者取答
表置綵輿中主昏者帥諸執事各徹禮物使者既出立
於中門外之東副使在使者之南主昏者遣儼者出詣
使者前請曰敢請事使者曰禮畢儼者入告主昏者曰
某公奉制命至於某之室某有先人之禮請禮從者儼

者出告使者曰某既得將事敢辭儻者入告主昏者曰
先人之禮敢以固請儻者又出告使者曰某既不獲辭
敢不從命儻者入告引禮引主昏者入先陞立於廳之
西執事者設禮賓席於正廳引禮引使者及副使入主
亦者降西階出迎使者陞自東階主昏者陞自西階就
座使者西面坐主昏者東面坐行飲食之禮畢賓主俱
興執事者以幣進授主昏者主昏者受幣以授使副使
副受幣以授左右引禮引使副出降自東階主昏者降

自西階至大門外主昏者入使副進發儀仗導從迎綵
輿至午門外使副取答表入奉天西門授內使監令進
入

制文

答文 並見前註

納吉儀注

前一日侍儀司設使副次於皇后第大門之外設使副
序立位於大門外之東西面北上設主昏者序立位於

大門內之西東向又設使副位於正廳之東西向北上
執節者位於使副之南執鴈者位於執節者之南皆西
向設主昏者拜位於階下正中北面又設主昏者受制
位於廳上之南楹北向設贊禮二人位於主昏者拜位
之北東西相向設儼者二人位於贊禮之南東西相向
設引使者二人位於廳上之左右東西相向預設制案
於大門外之中是日使者奉制書至皇后第儀仗分列
於大門外之左右置綵輿於大門外之正中引禮延使

者入次儼者引主昏者出就大門內位東向立引禮引
使者詣綵輿前取制書置案上退就位立執節者立於
副使之南執鴈者立於執節之南執事者陳禮物於大門
外之左右儼者出請事使者曰加諸卜筮占曰從制使某
告吉儼者入告主昏者曰臣某之女祇嚴女功未燭婦道
卜筮叶吉臣預有馬儼者以告訖入引主昏者出迎使者
於大門之外北面立贊禮唱鞠躬拜興拜興平身主昏
者鞠躬拜興拜興平身使者不答拜儼者引主昏者先

入立伺於西階之下東面引禮引使者入持節者前導持案執雁者次之使副行於案後由東階升舉案者以制書案置廳上之正中使副立於制書案之東使者在北副使在南執節者脫節衣立於使副之南執雁者又於其南執事者以禮物陳於庭訖儼者引主昏者就拜位北向立贊禮唱鞠躬拜興拜興平身主昏者鞠躬拜興拜興平身儼者引主昏者自西階升至制書案前受制位北向立使者稱有制儼者贊跪主昏者跪使者進

詣案前取制書宣訖以制書授主昏者主昏者搢笏跪
受制書以授左右執鴈者以鴈授使者使者受鴈以授
主昏者主昏者以授左右訖儼者贊出笏俛伏興平身
主昏者出笏俛伏興平身儼者率執事舉答表案進立
于主昏者之後稍西儼者取表以授主昏者主昏者搢
笏受表跪進使者使者受表置於案儼者贊出笏俛伏
興平身主昏者出笏俛伏興平身儼者引主昏者降階
就拜位北面立贊禮唱鞠躬拜興拜興平身主昏者鞠

躬拜興拜興平身贊禮唱禮畢儼者引主昏者立於西
執節者加節衣引禮引使者降自東階執事者舉答表
案出持節者前導至大門外使者取表置綵輿中退立
於東其宴禮使者使者復命並如問名之儀

制文

答文

並見前注

納徵儀注

前一日侍儀司於皇后第設使副次於大門外如前儀

設使副序立位於大門外之東西向北上設主昏者序立位於大門內之西東向又設使副立位於正廳之東西向北上執節者位於使副之南設主昏者拜位於階下正中北向又設主昏者受制位於廳上之南楹北向設贊禮二人位於主昏者拜位之北東西相向儼者二人位於贊禮之南東西相向引使者二人位於廳上之左右東西相向預設制書案及玉帛案於大門外之正中是日使者奉制書穀珪元纁束帛禮物至皇后第大

門外儀仗分列於左右置綵輿於大門外之正中引禮
引使者入就次執事者陳設禮物於大門外六馬陳於
禮物之南北首西上儼者引主昏者序立於大門內之
西引禮引使者出次就綵輿中取制書置案上奉玉帛
官取玉帛授使者使者受玉帛置於案訖退立於東執
節者立於其南儼者出請事使者曰某奉制告成儼者
入告主昏者曰奉制賜臣以重禮臣某祇奉典制儼者
告訖入引主昏者朝服出迎立於大門外北面贊禮唱

鞠躬拜興拜興平身主人鞠躬拜興拜興平身儼者引
主人入立於西階之下引禮引使者入執事者舉制案
及玉帛案入持節者先導至廳置制書案於正中設玉
帛案於制書案之南使者立於制書案之東執節者脫
節衣立於使者之南奉玉者立於執節之南執事者各
以禮物陳於庭牽馬者牽六馬陳於禮物之南北首西
上儼者引主昏者就拜位立定贊禮唱鞠躬拜興拜興
平身主昏者鞠躬拜興拜興平身儼者引主昏者升自

西階至制案前受制位使者稱有制儼者贊跪使者詣案取制書宣訖以授主昏者主昏者跪搯笏受制書以授左右奉玉官詣案取玉加於元纁之上進授使者使者受玉帛以授主昏者主昏者跪受玉帛以授左右儼者贊出笏俛伏興平身主昏者出笏俛伏興平身儼者引執事舉答表案進立於主昏者之後少西儼者取表進授主昏者主昏者受表跪進使者使者受表置於案儼者贊俛伏興平身主昏者俛伏興平身引禮引主昏

者降階就拜位立定諸執事及使者各返就位立定贊禮唱鞠躬拜興拜興平身主昏者鞠躬拜興拜興平身贊禮唱禮畢賓者引主昏者退立於西引禮引使者降自東階執事者舉表案持節者前導至大門外使者取表置綵輿中退立於東主昏者帥諸執事各受禮物及馬其禮使者及使者復命並如告吉之儀

請期儀注

與納吉同但請辭曰制使其告期主昏者答曰臣謹奉

制

制文

答文

註並見前

臨軒命使冊后及奉迎儀注

前期太史院擇日翰林院撰冊文及制文工部造冊寶
輦衣首飾車輅儀仗禮部備合用禮物奏聞訖遣使告
太廟又取制以某官為授冊使某官為授寶使某官為
奉迎使某官為奉冊官某官為奉寶官某官為主節官

其官為承制官某官為奉制官告示文武百官於皇城
守宿是日鍾鳴後具朝服侍班前一日內使監令設御
座香案於奉天殿如常儀尚寶卿設寶案於御座之南
侍儀司設皇后冊寶案於香案之北冊東寶西設制書
案於冊寶案之北正中設主節官位於制書案之東執
節者二人位於主節官之左差退俱西向設承制官位
於主節官之南及丹陛上之東南設捧制官捧冊寶官
位於冊寶案之西東向舉冊寶制書案舍人位於其後

設冊寶使及奉迎使拜位於丹墀內道之西北面東上
又設冊寶使及奉迎使受冊寶制書位於使者拜位之
北丹陛下之正中北向設執鴈者并舉禮物者位於丹
墀下之西俱東向贊禮二人位於丹陛上之南東西相
向司贊二人位於使者拜位之北東西相向知班二人
位於司贊之南東西相向設文武百官侍立位於文武
樓之北文東武西東西相向引冊寶使及引奉迎使舍
人二人位於使者拜位之北西立東向引文武班舍人

四人位於文武班之北稍後東西相向拱衛司光祿寺
官位於奉天殿門之左右東西相向將軍二人位於殿
上簾前之左右將軍六人位於奉天殿門之左右將軍
四人位於丹陛上之四隅將軍六人位於奉天門之左
右俱東西相向鳴鞭四人位於丹陛上北向是日金吾
衛陳設甲士儀仗於午門外之東西陳設旗仗於奉天
門外之東西拱衛司陳設儀仗於丹陛丹墀之東西設
遮蓋制書黃羅蓋一遮蓋冊寶紅羅蓋二於奉天殿前

和聲郎設樂於丹墀之南

備而不作

擊鼓初嚴催班舍人催

百官具朝服導駕官侍從官入迎車駕次嚴引班舍人引文武百官入就侍立位禮部官陳冊寶綵輿及制書綵輿於奉天門外陳中宮車輅儀仗冠服於綵輿之南引禮引冊寶使奉迎使各具朝服立於丹墀之西以伺諸執事者各就位三嚴侍儀奏外辦御用監官跪奏請皇帝具袞冕尚寶卿侍儀導從如常儀至奉天殿陞御座尚寶卿以寶置於案捲簾鳴鞭雞唱報時訖禮部官

以冊寶制書各置於案陳鴈及他禮物於丹陛上奉冊
奉寶官立於冊寶案之西東向舉冊寶案舍人立於其
後主節官立於冊寶案之東西向執節者二人立於其
南稍後奉制官立於主節官之南承制官立於奉制官
之南俱西向引禮引冊寶使奉迎使各就丹墀拜位立
定贊禮唱鞠躬拜興拜興拜興拜興平身冊寶使以下
皆鞠躬拜興拜興拜興拜興平身承制官進詣御座前
跪承制訖興由中門出至丹陛上宣制位主節官率執

節者由中門出中陛降立於使者之東北西向舉冊案舍人舉冊案奉冊官從其後舉寶案舍人舉寶案奉寶官從其後皆由中門出校尉各擎紅羅蓋遮護冊寶由中陛降以冊寶案置於丹陛下之正中舉冊寶案舍人退立於西奉冊寶官立於冊寶案之東引禮引授冊授寶使稍前詣受冊寶位北面立承制官稱有制典儀唱跪冊寶使皆跪承制官宣制曰冊某氏為皇后皇帝制命爾某持節奉冊寶行禮宣制訖執節者脫節衣以授

主節官主節官受節以授授冊使授冊使搢笏跪受節以授執節者執節者跪受節興立於冊使之右奉冊官詣冊案取冊西向以授授冊使授冊使跪受冊興復置於案出笏退復位奉冊官亦復位奉寶官詣案取寶西向以授授寶使授寶使搢笏跪受寶興復置於案出笏退復位奉寶官亦復位引禮引授冊授寶使退就拜位北向立承制官由西門入回奏訖引禮引奉迎使稍前詣受制位北向立承制官進詣御座前跪承制由中門

出至丹陛上舉制書案舍人對舉制案奉制官從其後
由中門出校尉擎黃羅蓋遮護制書由中陛降以制案
置於冊寶案之前舉制書案舍人退立於西奉制官立
於東承制官稱有制典儀唱跪奉迎使跪承制官宣制
曰皇帝制命某官持節奉迎皇后宣制訖執節者脫節
衣以節授主節官主節官受節以授奉迎使奉迎使搢
笏跪受節以授執節者執節者跪受節興立於奉迎使
之右奉制官詣案取制書西向授奉迎使奉迎使跪受

制書興復置於案出笏退復位奉制官亦復位引禮引
奉迎使退就拜位立定贊禮唱鞠躬拜興拜興拜興拜
興平身冊寶使以下皆鞠躬拜興拜興拜興拜興平身
典儀唱禮畢舉案舍人各舉案出奉天門制書在前冊
次之寶次之仍以蓋遮護執鴈及執禮物者由西陞陞
各執物由中陞降從於案後冊寶使奉迎使以次從出
二執節者前導至奉天門外奉迎使取制書置綵輿中
冊寶使取冊寶置綵輿中以次進發由午門中門出皇

后儀衛在前次車輅次冠服次鴈次禮物綵輿衆官從行於後至皇后第行冊禮及奉迎如後儀

受冊儀注

前一日侍儀司設冊寶使幕次於皇后第門外設內使監官幕次於中門之外設內外命婦幕次於中門之內設尚宮及宮人幕次於皇后閣外設使者序立位於大門外之東副使及內使監官於使者之南執節者位於使者之北少退俱西向設主昏者序立位於大門內之

西東向又設使副位於中門外之東西向執節者位於使副之北設授冊寶內使監官及讀冊寶奉冊寶監官位於使副之北西向設主昏者位於奉冊寶之南司贊二人位於中門之左右東西相向引使者二人位於司贊之南東西相向又設皇后座於閣之正中設冊寶案於皇后座之南設香案於閣門外之庭中隨闕所向設權置冊寶案於香案之前冊東寶西設皇后受冊寶位於案前北向設司言司寶二人位於皇后位之西東向

設授冊寶內使監官位於冊寶案之東西向設讀冊寶
內使監官位於授冊寶使之北西向設尚宮傅姆位於
皇后之左右設宮人侍立位於傅姆之後東西相向設
內外命婦拜位於庭下重行北向尚儀二人位於皇后
拜位之北東西相向司贊二人位於內外命婦拜位之
北東西相向其日侵晨內外命婦各服其服先至皇后
第幕次以伺冊寶使奉迎冊寶至皇后第儀仗鼓吹分
列於大門外之左右倚而不作陳冊寶綵輿於大門外之正

中進皇后鹵簿儀仗重翟等車以次列於大門之內掌
次延冊寶使入就次內使監官入就次尚官及宮人先
奉皇后首飾褱衣入就次冊寶使既至次儼者引主昏
者朝服立於大門內之西內侍引內使監官序立於中
門之外引禮引冊寶使出次詣綵輿前取冊寶置案
上立於大門外之東執節者立於其北儼者出詣使者
前請曰敢請事使者曰某奉制授皇后備物冊寶儼
者入告遂引主昏者出迎使者於大門外之南北面立

儼者唱鞠躬拜興拜興平身主昏者鞠躬拜興拜興平身使副不答拜儼者引主昏者先入立於中門外之西東向執節者導使副入執節在前持案者次之使副從其後至中門外以案置於位冊東寶西使副各就位立定持節者脫節衣使者詣案取冊以授授冊內使監官內使監官受冊以授內侍內侍受冊立於內使監官之右副使詣案取寶以授授寶內使監官內使監官受寶以授內侍內侍受寶立於授寶內使監

官之右舉案者以案退使副亦退就位內侍奉冊寶由中門入授冊寶內使監官及讀冊寶內使監官從入至閤門外以冊寶置於案尚宮及宮人奉皇后首飾褱衣入閤請皇后具首飾褱衣訖尚宮傳姆宮人內侍等導從皇后出宮在前傳姆次之宮人四人執扇擁護二人在前二人在後皆分列左右宮人內侍皆從其後至閤門外降自東階詣香案前向闕立尚宮傳姆分立於左右內侍引內外命婦就庭下分東西相向立內使監官稱

有制尚儀奏拜興拜興皇后拜興拜興尚儀奏讀冊讀冊內使監官進詣案取冊讀冊於皇后之右讀訖以授授冊內使監官進授皇后皇后受冊以授司言司言受冊捧立於皇后之左尚儀奏讀寶讀寶內使監官詣案取寶讀於皇后之右讀訖以授授寶內使監官授寶內使監官進授皇后皇后受寶以授司寶司寶受寶捧立於皇后之左尚儀奏拜興拜興皇后拜興拜興尚儀奏請陞座尚宮傅姆導引皇后由東階陞即御座司言司

寶奉冊寶置於案退立於左右尚宮傅姆及宮人內侍
應侍衛者各陞立於侍立位內侍引內外命婦就拜位
北向立司贊唱拜興拜興拜興內外命婦皆拜興
拜興拜興拜興內侍引命婦班首一人陞西階詣皇后
座前致辭曰伏惟殿下坤象配天德昭厚載率土含識
不勝抃舞賀訖內侍引命婦由西階降復位司贊唱拜
興拜興拜興拜興內外命婦皆拜興拜興拜興拜興司
贊唱禮畢尚儀奏禮畢皇后降座尚宮傅姆仍導從皇

后入閣内外命婦送至閣出就次内使監官出告禮畢
冊寶使副退主昏者禮宴使副内使監官畢冊寶使副
復命並如告期之儀

奉迎儀注

前一日侍儀司設奉迎使副幕次於皇后第大門之外
設内使監官次於中門之外設尚宮及宮人次於閣門
之外設奉迎使者位於大門外之東西向設制書案於
大門外之正中設主昏者序立位於大門內之西東向

又設使者立位於正廳之東西向執節者位於其北執
鴈者位於其南皆西向設主昏者拜位於階下正中北
向贊禮二人位於主昏者拜位之北東西相向設主昏
者受制位於正廳之南楹北面設儼者二人位於贊禮
之南東西相向引使者二人位於正廳南楹之左右東
西相向設皇后御座於閤之正中設香案於閤門外之
庭中隨闕所向設主昏者醮戒位於東階之上西向設
后母醮戒位於西階之上東向設尚儀二人位於香案

之左右設司言司寶二人位於皇后御位之南司言在左司寶在右設尚宮傅姆侍立位於皇后御座之左右東西相向設宮人內侍侍立位於尚宮傅姆之後東西相向其日奉迎使乘車持節備儀仗鼓吹備而不作迎制書

綵輿至皇后第儀仗鼓吹分列於大門外之左右綵輿置於大門外制書案之南執事者陳禮物於中門之內皇后儀仗車輅陳於大門之內掌次者延奉迎使入次內侍延內使監官及尚宮宮人等各入就次文武百官

奉迎者皆朝服立於大門之外東西相向立定尚儀入
閤詣皇后前請中嚴尚宮及宮人諸擎執導從者各擎
執入閤分立於左右引禮引奉迎使詣綵輿前取制書
置於案退立於東執節者立於其北執鴈者立於其南
皆西向儼者出詣奉迎使前請曰敢請事使者曰某奉
制以令月吉辰以禮奉迎儼者入告主昏者曰臣謹奉
典制儼者出告入引主昏者迎於大門外之南北向儼
者唱鞠躬拜興拜興平身主昏者鞠躬拜興拜興平身

使者不答拜儼者引主昏者先入立於西階下引禮引奉迎使入執節者前導執鴈持案者次行奉迎使後從由中階陞置案於廳之正中奉迎使立於制書案之東執節者脫節衣立於使者之北執鴈者立於使者之南儼者引主昏者就拜位立定贊禮唱鞠躬拜興拜興平身主昏者鞠躬拜興拜興平身儼者引主昏者由西階陞至制書案前奉迎使稱有制儼者唱跪主昏者跪奉迎使進詣案取制書宣訖以制書授主昏者主昏者搢

笏跪受制書以授左右執鴈者以鴈進授奉迎使奉迎
使受鴈以授主昏者主昏者受鴈以授左右儗者唱出
笏俛伏興平身主昏者出笏俛伏興平身執事者舉答
表案進立於主昏者之後少西儗者取表進授主昏者
主昏者搢笏受表跪授奉迎使奉迎使受表置於案儗
者唱俛伏興平身主昏者出笏俛伏興平身儗者引主
昏者降西階至拜位贊禮唱鞠躬拜興拜興平身主昏
者鞠躬拜興拜興平身贊禮唱禮畢儗者引主昏者退

欽定四庫全書

明集禮
卷二十五

立於西引禮引使者出執節者加節衣前導持案者舉案由中階出使者後從至大門外取表置綵輿中訖奉迎使入立伺於中門外之南北向拱衛司進皇后肩輿於階下設重翟車於中門之外鹵簿儀仗以次陳設於大門外之左右尚儀奏外備尚宮傳姆導引皇后首飾褱衣出閤諸宮人擎執前後擁護至閤門外陞堂即御座尚宮傳姆及諸宮人侍御於左右內侍出中門外至奉迎使前東向立贊禮唱鞠躬拜興拜興平身奉迎使

等皆鞠躬拜興拜興平身進詣內侍前曰令月吉日某等率職奉迎內侍受以入傳於司言司言奏聞訖尚儀奏請皇后降御座尚宮傳姆導引皇后降自東階立於香案前尚儀奏拜興拜興皇后拜興拜興尚儀奏請皇后陞堂尚宮傳姆導引皇后由東階陞南向立主昏者進於皇后之東西面戒之曰戒之敬之夙夜無違命主昏者退立於東階之上西向后母進於皇后之西東面施衿結帨

帨帨佩巾

曰勉之敬之夙夜無違訖尚儀奏請皇

后乘輿尚宮傅姆導引皇后降階升輿宮人前後擎執擁護六尚以下侍從如常至中門外尚儀奏請降輿乘輅皇后降輿乘輅導從出大門外初皇后將升輿引禮引文武百官分左右北向立於大門之外俟皇后乘輅出尚儀奏車駕少駐贊禮唱鞠躬拜興拜興拜興平身文武百官皆鞠躬拜興拜興拜興平身拜訖分東西相向立儀仗鼓吹及綵輿先發執節者前導奉迎使副從綵輿之後次文武百官行次皇后鹵簿行次

導皇后內使監官乘馬行次冊寶綵輿行次皇后車輅
行尚宮傳姆及諸宮人皆乘輦行車輅之後內侍內使
乘馬行宮人之後宿衛護衛官行內使之後甲士器仗
從至午門外鳴鐘鼓其鐘鼓所司先陳設鐘鼓者所以聲告內外鹵簿止奉
迎使副奉答表先入復命並如冊后儀

同牢儀注

前一日內使監預設皇后大次二一於奉天殿門外之
西南向一於皇宮內殿庭之南北向尚寢設御幄於內

殿之正中設皇帝御榻於御幄中之東西向又設皇后御榻於御幄中之西與皇帝御榻相對尚宮設皇帝御巾洗一於殿之南司中宮人位於御洗之南司盥宮人位於御洗之北皆西向設皇后御巾洗一於殿之北司中宮人位於后洗之南司盥宮人位於后洗之北皆東向設酒案於御幄之南正中陳御酒樽於案上設四爵兩登於御酒樽之北登古用匏今酒器代之設御食案二於酒案之北其日晡後皇后車輅入午門至奉天門外大次回

車南向施步障繖扇等畢內使監官進當車前跪奏請
皇后降車乘輿興退復位皇后降車入大次陞肩輿宮
人侍從各擎執如前儀至內殿庭大次內使監令奏請
皇后降輿執扇繖燭籠宮人布列前後尚宮導引皇后
入內殿庭之大次嚴整以俟內侍進詣皇帝前版奏請
中嚴御用監奏請皇帝服通天冠絳紗袍內使監官及
宮人擎執導從出至內殿陞御座南向左右侍御如常
儀皇后入次少頃尚宮前奏請皇后降座皇后興尚宮

導引出殿庭之西東向立內侍詣皇帝前版奏外辦內
使監令奏請皇帝降座禮迎皇帝興內侍導引降詣殿
庭之東西向揖皇后以入內侍導引皇帝先陞尚宮導
引皇后從陞內侍奏請皇帝詣南御洗所內侍奏盥手
宮人酌水皇帝盥手內侍奏悅手宮人以巾進皇帝悅
手內侍奏請皇帝就御榻前西向立皇帝盥手時尚宮
奏請皇后詣北御洗所尚宮奏盥手宮人酌水皇后盥
手尚宮奏悅手宮人以巾進皇后悅手尚宮奏請皇后

就御榻前東向立內使監令跪奏請就御座皇帝皇后
皆坐皇帝侍從立於御幄之東皇后侍從立於御幄之
西內使監官各舉食案進於皇帝皇后之前皇帝皇后
皆品嘗訖尚食各徹饌尚醞取爵酒進供於皇帝皇后
皇帝皇后皆飲訖尚醞各徹虛爵尚食再以饌進皇帝
皇后進饌訖尚食徹饌如前尚醞再取爵酒以進皇帝
皇后飲訖尚醞徹爵如初皇帝皇后三饌訖尚醞取觥
酌酒以進皇帝皇后俱受盞飲訖尚醞徹虛盞內侍跪

奏禮畢皇帝皇后俱興內侍及內使監官宮人等導從
皇帝入宮尚宮及內使監官宮人等導從皇后入幄尚
宮奏請皇帝更禮服尚寢奏請皇后服常服皇后從者
餽皇帝之饌皇帝從者餽皇后之饌

表謝儀注

詳見冊拜篇

謁廟儀注

詳見冊拜篇

皇后受內外命婦朝儀注

詳見朝會篇

皇帝受羣臣賀儀注

詳見朝會篇

臨軒遣使

門

門

門

明集禮卷之五 四十八

將軍

將軍

將軍

將軍

將軍

將軍

樂

文官侍立位

武官侍立位

引班舍人

引班舍人

衣冠

臨

引禮

引班舍人

引班舍人

引班舍人

引班舍人

贊禮

鎮撫

納采

問名納吉納成請期同

明集禮卷三十五

次副使

使副序立位

門

位官昏主

司儀

主人拜位

贊禮

引使者

主昏賓位

賓者

贊禮

贊者

贊禮

執雁

執爵

贊禮

贊禮

制案

受冊

明集禮卷三十五

儀仗鼓吹

位監儀門

使副主儀

節執

故節執

使副主儀

故節執

冊管幕

位者昏主

吹鼓仗儀

位者昏主

使內賓冊奉

重翟車

贊禮

引禮

贊禮

引禮

門

位拜婦命外內

內外命婦拜位

位拜婦命外內

內外命婦拜位

立侍人官

官人侍立

言司傳

柵司贊

使內冊讀

冊

冊

冊

冊

閣度

冊

冊

冊

冊

冊

從侍執牌

合卷

明集禮卷二十五

皇后次

步廊

御衣箱

御衣箱

皇后指位

侍從擊執

御衣箱

御衣箱

御衣箱

司中官人

皇后巾洗位

司盥官人

皇后侍從

皇后御榻

御衣箱

御衣箱

皇后次

御衣箱

御衣箱

帷

殿內

明集禮卷二十五